



REPUBLIKA E SHQIPËRISË

**MINISTRIA
E FINANCAVE**

Nr. 3657/6 Prot

Tiranë, 07.08. 2008

**MINISTRIA
E MJEDISIT
PYJEVE DHE
ADMINISTRIMIT
TË UJËRAVE**

Nr. 3429 Prot

Tiranë, 07.08. 2008

U D H Ë Z I M

Nr. 23 datë 07.08.2008

MBI PROCEDURAT E FURNIZIMIT TË ANIJEVE TË PESHKIMIT ME GAZOIL PA AKCIZË.

Në mbështetje: të Nenit 100 të Kushtetutës, të pikës 1 e, të nenit 19, të ligjit nr. 8976 datë 12.12.2002 “Për Akcizat”, të ndryshuar, të shkronjës “x” të nenit 199, të ligjit 8449, datë 27.1.1999 “Kodi doganor i Republikës së Shqipërisë”, VKM 547 datë 01.05.2008 “Për disa shtesa dhe ndryshime në VKM nr Nr.205, datë 13.4.1999,.”Për dispozitat zbatuese të Kodit Doganor”, të ndryshuar, të pikës 7, të nenit 14, të ligjit 8450, datë 24.2.1999, “Për përpunimin, transportimin dhe tregtimin e naftës, gazit dhe nënprodukteve të tyre”, të ndryshuar, si dhe VKM nr.1050, datë.21.07.2008, “Për furnizimin e anijeve të peshkimit me gazoil, pa akcizë”, Ministri i Financave dhe Ministri i Mjedisit, Pyjeve dhe Administrimit të Ujërave:

U D H Ë Z O J N Ë:

I - Të përgjithshme

1. Ky udhëzim zbatohet për furnizimin e anijeve shqiptare të peshkimit me gazoil pa akcizë, si furnizim bordi, si dhe ndaj subjekteve që furnizojnë anijet e peshkimit

- sipas ligjit nr. 8976 dt. 12.12. 2002 “Për Akcizat”, i ndryshuar.
2. Formularët dhe shënimet e paraqitura në shtojcat bashkëlidhur këtij udhëzimi janë pjesë e udhëzimit dhe kanë fuqi të njëjtë ligjore.
 3. Shoqëritë furnizuese të karburantit (gazoilit) për anijet e peshkimit janë vetëm shoqëritë aksionere, të licensuara në bazë të nenit 4 të ligjit nr.8450, datë 24.2.1999 “Për përpunimin, transportimin dhe tregtimin e naftës, gazit dhe nënprodukteve të tyre” të cilat disponojnë magazina doganore.
 4. Do të furnizohen me karburant pa akcizë, por me TVSH, si furnizim bordi, të gjitha anijet e peshkimit, persona juridikë dhe fizikë të cilet:
 - a. janë të paisur me licensë peshkimi;
 - b. janë të rregjistruara pranë organeve tatimore dhe shesin prodhimin e tyre me faturë tatimore me TVSH.
 - c. janë të rregjistruar në rregjistrin detar;
 - d. janë të siguruar sipas ligjit për sigurimin e detyrueshëm në sektorin e transportit, pas miratimit të tarifave përkatëse të sigurimit nga autoriteti kompetent;
 - e. kanë të punësuar një numër jo më pak se:
 - a. (dy) persona për anijet deri në 15 metra gjatësi;
 - b. (tre) persona për anijet 15.01-në 24 metra gjatësi;
 - c. (katër) persona për anijet mbi 24.01 metra gjatësi, të rregjistruar për kontributet e sigurimeve shoqërore dhe shëndetësore;
 - f. janë subjekte aktive të rregjistruar të cilet nuk kanë detyrime ndaj organeve tatimore;
Subjektet e tjerë, jashtë këtyre pikave, përjashtohen nga skema e furnizimit me karburant. Magazina doganore ndërpret furnizimin me gazoil pa akcizë të subjekteve të peshkimit, vetëm me njoftimin zyrtar të organit tatimor apo atij doganor.
 5. Drejtoria e Përgjithshme e Tatimeve, dërgon zyrtarisht tek të gjithë subjektet furnizuese të cilet kanë magazina doganore karburanti, listën e subjekteve aktive të peshkimit të cilet janë të rregjistruar në degën e tatimeve si subjekte të TVSH-së, si dhe të gjitha ndryshimet periodike të tyre.
 6. Drejtoria e Politikave të Peshkimit dërgon pranë Drejtorisë së Përgjithshme të Tatimeve, jo më vonë se data 31 janar e cdo viti, listën me emrat e subjekteve të licensuara të peshkimit si dhe cdo ndryshim periodik në këtë listë.

II – Procedurat dhe skema e furnizimit

7. Përfaqësuesi i shoqërisë furnizuese të gazoilit pa akcizë, duhet të njoftohet nëpërmjet një kërkesë me shkrim nga subjekti i peshkimit i cili kërkon të furnizohet me karburant, sipas modelit të kërkesës bashkëlidhur në shtojcën 2 të këtij udhëzimi.
8. Të paktën një ditë përpara furnizimit me gazoil të subjekteve të peshkimit, Përfaqësuesi ligjor i shoqërisë furnizuese të gazoilit, pa akcizë, duhet:
 - a. të njoftojë degën e doganave ku do të bëhet furnizimi, për furnizimin e anijeve të peshkimit me gazoil për nevoja të peshkimit;

- b. të evidentojë në regjistrin ekzistues të ngarkim-shkarkimit të karburantit, levizjen e karburantit nga magazina doganore, sipas procedurave të përcaktuara në aktet ligjore dhe nënligjore të Ministrisë të Financave apo Drejtorit të Përgjithshëm të Doganave.
9. Të gjitha lëvizjet e gazoilit pa akcizë për anijet e peshkimit, ndërmjet magazinave doganore të miratuara në Republikën e Shqipërisë dhe subjekteve të peshkimit, duhet të shoqërohen nga dokumenti i tranzitit T1, dhe nga faturat e shitjes e lëshuar nga magazina doganore (subjekti furnizues) dhe e nënshkruar nga përfituesi. Me mbërritjen në destinacion (zona doganore portuale ku ndodhet anija e peshkimit) kryhet procedura e zhdoganimit nga dogana pritëse (Dokumenti IM4). Malli quhet i çliruar pas shkarkimit të karburantit nga autoboti në serbatorin e anijes së peshkimit. Përgjegjës për këtë procedure është subjekti përfitues nën mbikqyrjen e doganierit të kontrollit fizik dhe sipas rastit atij të antiknabandës detare.
10. Gazoili i blerë nga subjektet e peshkimit, nga momenti i çlirimit nga rregjimi i magazinës doganore, konsiderohet në ngarkim të subjektit të peshkimit.
11. Subjekti i peshkimit ka për detyrë të justifikojë pranë organeve tatimore, sasinë e karburantit të furnizuar nëpërmjet faturave tatimore të gazoilit (IM4) faturave tatimore me TVSH të produktit të peshkimit të shitur, regjistrin të karburantit të anijeve të peshkimit ku janë shënuar sasinë e furnizuara, konsumi dhe lëvizjet e anijes së peshkimit.
12. Vlera totale e karburantit të furnizuar (konsumuar) gjatë një 6-mujori nuk mund të jetë më e madhe se 80% e vlerës totale të produktit të peshkimit të shitur me faturë tatimore me TVSH, gjatë kësaj periudhe.
13. Rakordimi, për efekt të llogaritjeve të kufizimit në pikën 12 më sipër, do të bazohet:
- a) Kur sasia e gazoilit pa akcizë të furnizuar është konsumuar nga subjekti i peshkimit totalisht në 6-mujorin e parë nga data e fillimit të funksionimit të skemës, rakordimi do të bëhet ndërmjet vlerës totale të faturave të blerjes së gazoilit, pa akcizë, dhe vlerës totale të produkteve të peshkimit të shitura me faturë tatimore me TVSH.
- b) Kur sasia e furnizuar e gazoilit nuk është konsumuar e gjitha brenda 6-mujorit të parë, rakordimi do të kryhet mbi bazën e krahasimit ndërmjet vlerës totale të faturave të gazoilit të konsumuar dhe vlerës totale të produkteve të peshkimit të shitura me faturë tatimore me TVSH.
14. Vlera totale e gazoilit të konsumuar nga subjekti i peshkimit, do të përcaktohet duke iu referuar regjistrin të anijes së peshkimit, kopje e të cilit depozitohet pranë degës së tatimeve nga subjekti i peshkimit, konsumit të karburantit (sasisë së konsumuar), cmimit të faturave korresponduese të gazoilit si dhe inventarit të karburantit, vlera (sasia) e të cilit llogaritet nga punonjësi tatimor mbi bazën e metodës FIFO (hyrje e parë dalje e parë). Duke përdorur këtë metode, nga sasia totale e gazoilit të faturuar, pasi zbritet sasia e gazoilit të konsumuar nga subjekti i peshkimit, (sipas regjistrin të konsumit të karburantit të anijes, orët e punës x konsumin orar/mes) sasia e mbetur e karburantit gjëndje në fund të periudhës vlerësohet me çmimet korresponduese të sasive përkatëse sipas datave të furnizimit dhe rakordohet me subjektin e peshkimit.

15. Diferenca (sasia gjëndje) e vlerësuar me cmimet korrensponduese të blerjes së karburantit do të mbartet për periudhën e ardhshme ushtrimore dhe do të mbahet në konsideratë për rakordim gjatë 6-mujorit në vijim.
16. Inspektori tatimor, për efekt rakordimi, për të kryer inventarin e gjëndjes faktike të karburantit në serbatorin e anijes kërkon bashkëpunim me antikontrabandën detare dhe ndërmjet këtij të fundit dhe subjektit të peshkimit mbahet proces-verbali përkatës. Kopja origjinale e procesverbalit i dorëzohet inspektorit tatimor, dhe pas këtij çertifikimi, ndërmjet organit tatimor dhe subjektit të peshkimit nënshkruhet akti i rakordimit.
17. Të paktën një herë në dy muaj, subjekti i peshkimit depoziton tek inspektori i akcizës në degën e tatim-taksave të rrethit përkatës, kopje të faturave tatimore të produktit të peshkimit të shitur si dhe deklaratat IM4 të gazolit të furnizuar.
18. Inspektori i tatimeve, krijon databasin përkatës për çdo subjekt peshkimi. Database përmban të gjitha të dhënat e subjekteve të peshkimit, datat e furnizimit, sasinë dhe vlerën e produktit të peshkimit të shitur me faturë tatimore, sasinë dhe vlerën e karburantit të furnizuar si dhe sasinë dhe vlerën e karburantit të konsumuar.
19. Referuar database-it, inspektori i tatimeve ndjek ecurinë e furnizimit me karburant të subjekteve të peshkimit dhe detyrimisht 6 muaj pas furnizimit të parë të subjektit të peshkimit, subjektet e peshkimit dhe degët e tatim - taksave të rrethit përkatës bëjnë rakordimin midis faturave të gazoilit pa akcizë të blerë (konsumuar) dhe faturave të peshkut të shitur me faturë tatimore me TVSH. Subjektet e peshkimit me kërkesën e tyre mund të bëjnë rakordimin e mesipërm edhe në një afat më të shkurtër.
20. Nëse subjektet e peshkimit tejkalojnë afatin e mësipërm të rakordimit, degët e tatim - taksave të rrethit përkatës urdhërojnë ndërprerjen e menjëhershme të furnizimit me gazoil pa akcizë për subjektin e peshkimit, deri në momentin e kryerjes së rakordimit. Në se edhe pas kësaj ndërprerje, ky rakordim nuk kryhet brenda një periudhe 1 mujore, degët e tatim- taksave të rrethit përkatës fillojnë automatikisht kontrollin e subjektit të peshkimit.
21. Në rast se vlera e të gjithë faturave të karburantit të konsumuar (faturuar) pa akcizë për një 6 mujor është më e vogël ose e barabartë me 80% të vlerës totale të faturave të produkteve peshkore të shitura me TVSH për këtë periudhe, inspektori tatimor i akcizës, nënshkruan aktin e rakordimit me subjektin e peshkimit dhe mbi bazën e parimit “heshtja nënkupton miratim” pra, pa qënë i nevojshëm konfirmimi zyrtar, magazina doganore vijon furnizimin me gazoil pa akcizë, dëri në njoftimin zyrtar për ndërprerjen e tij nga organi tatimor.
22. Në rast se një subjekt juridik peshkimi disponon më shumë se një mjet peshkimi (anije) dhe këto mjete identifikohen me një numër të vetëm rregjistrimi (NIPT) por me emra të ndryshëm, procedura e rakordimit ndërmjet këtij subjekti peshkimi dhe organit tatimor do të jetë e njëjtë sikur po rakordohet për një mjet të vetëm, pra, rakordimi do të kryhet duke krahasuar vleftën totale të gazoilit pa akcizë, të furnizuar (konsumuar) për të gjithë mjetet e këtij subjekti për periudhën e rakordimit me vleftën totale të produktit final të peshkimit, të shitur me faturë tatimore me TVSH, të faturuar nga të gjitha këto mjete, për të njëjtën periudhë rakordimi.
23. Dega e tatimeve është e detyruar të njoftojë me shkrim subjektin furnizues të karburantit për ndërprerjen e furnizimit, në momentin kur konstaton se vlera e të gjithë faturave të karburantit të furnizuar (konsumuar) pa akcizë është më e madhe

- se 80% e vlerës totale të faturave të produkteve peshkore të shitura, për periudhën 6-mujore të rakorduar. Nëse organi tatimor nuk njofton zyrtarisht subjektin furnizues për ndërprerjen e furnizimit me gazoil të subjektit të peshkimit, përgjegjësia mbetet tek organi tatimor dhe ndaj personit përgjegjës zbatohen sanksionet sipas kodit të procedurave administrative.
24. Në rast se subjekti i peshkimit, në fund të periudhës 6-mujore të rakordimit rezulton me TVSH të kreditueshme, referuar procedurave dhe kriterëve të përcaktuara në aktet nënligjore në zbatim të ligjit “Për TVSH-në”, organet tatimore kryejnë detyrimisht rimbursimin automatik të shumës së TVSH-së së kreditueshme.
25. Subjekti i peshkimit i cili, pas rakordimit me organin tatimor, rezulton me tejkalim të kufirit 80% të vlerës së gazoilit të furnizuar (konsumuar) ndaj vlerës së produktit të peshkimit të faturuar në shitje për periudhën e rakorduar, për tu ri-futur në skemën e përfitimit të furnizimit me gazoil, pa akcizë, duhet të paguaje për llogari të organit tatimor, të gjithë vlerën e akcizës së përfituar për sasinë e tejkaluar të faturimit (konsumit) të gazoilit si dhe vlerën e TVSH-së së llogaritur, që i korrespondon kësaj sasive të tejkaluar të karburantit. Nga momenti (data) e shlyerjes së detyrimeve të mësipërme, subjektit të peshkimit i lind e drejta të ri-futet në skemë, për një periudhë tjetër 6 mujore.
26. Gazoili duhet të jetë i ngjyrosur me ngjyruesin fiskal të standartit të BE-së, (Solvent Yellow 124 me emër shkencor N-etil-N-[2-[1-(2-isobutossietossi) etil]-4-(fenilazo) aniline], në momentin e levizjes së autobotit, në magazinën doganore nisëse. Niveli i ngjyrimin është i barabartë me jo më pak se 6 mg për litër gazoil dhe jo më shumë se 9 mg për litër.
27. Anijet e peshkimit që kanë të drejtë të furnizohen me karburant pa akcizë sipas pikës 4 të këtij Udhëzimi duhet të jenë të paisura me një rregjistër të karburantit për anijet e peshkimit (shtojca 1 e këtij Udhëzimi) në të cilin të jenë të rregjistruara sasinë e furnizuara, dhe konsumi i karburantit pa akcizë. Rregjistri përbëhet nga tre pjesë:
- Në pjesën e parë shënohen karakteristikat e anijes së peshkimit, sipas dokumentacionit të anijes së peshkimit që mbahet në bordin e saj dhe me të dhënat teknike të motorit, konsumit mesatar orar në raport me fuqinë motorike.
 - Në pjesën e dytë shënohen ngarkim shkarkimi i karburantit të kryer dhe të dhënat e kontratës së nënshkruar midis anijes së peshkimit dhe furnizuesit.
 - Në pjesën e tretë shënohen orët e punës dhe konsumi i karburantit.
- Shënimet në pjesën e parë duhet të vertetohen nga kapiteneria e porteve sipas të dhënave të Rregjistrimit detar; shënimet në pjesën e dytë nga Përfaqësuesi i doganës dhe kapiteni i anijes, sipas njoftimit sipas pikës 8.a; shënimet në pjesën e tretë nga kapiteni i anijes së peshkimit. Kapiteni i anijes së peshkimit ruan në bord të gjitha nisjet dhe hyrjet e kryera nga kapiteneria e porteve të cilat janë pjesë e dokumentacionit të anijes së peshkimit.
28. Automjeti ose autoboti me të cilin do të transportohet gazoili pa akcizë, duhet të jetë i tipit të miratuar, si dhe të plotësohen kushtet e plumbosjes dhe ç’plumbosjes, sipas procedurave të miratuara në aktet nënligjore në fuqi.

III - Kontrolli për administrimin e skemës së shpërndarjes së karburantit.

29. Të paktën një herë në gjashtë muaj bëhet inventari i levizjeve të karburantit në shoqëritë furnizuese.
30. Antikontrabanda detare nën autoritetin doganor mund të verifikojë vertetësinë e rregjistrimeve në regjistrat e furnizimit të anijeve të peshkimit dhe të konsumit të karburantit. Pas çdo kontrolli në regjistër vendoset shënimi mbi kontrollin e kryer dhe mbahet procesverbali përkatës. Në rast shkeljeje, njoftohet zyrtarisht organi tatimor i rrethit përkatës të subjektit të peshkimit.
31. Organet tatimor (strukturat përkatëse të hetimit tatimor) mund të kontrollojnë në çdo moment pikat e shitjes me pakice të karburanteve si dhe automjetet, për karburant të denaturuar (me ngjyroses) i cili përdoret për anijet e peshkimit.
32. Në rast se konstatohen shkelje të rregullave për administrimin dhe menaxhimin e këtij procesi, pavarësisht nga procedimi penal, organet doganore dhe tatimore kërkojnë zhdëmtimin e dëmit nga subjektet apo individë që shkelin rregullat e përcaktuara në këtë udhëzim, sipas dispozitave të nenit 44, germa a) dhe b) të ligjit "Për Akcizat".


Ky udhëzim hyn në fuqi menjëherë pas botimit në fletoren zyrtare dhe i shtrin efektet nga data e hyrjes në fuqi të ligjit nr. 9945 datë 26.06.2008 "Për një ndryshim në ligjin. Nr. 8976 datë 12.12.2002 "Për Akcizat", i ndryshuar.

MINISTRI I FINANCAVE


RIDVAN BODE

MINISTRI I MJEDISIT, PYJEVE
DHE ADMINISTRIMIT TË UJËRAVE

LUFTER XHUVELI



SHTOJCA 1

RREGJISTËR I FURNIZIMIT
ME GAZOIL PA AKCIZË

MOTOBARKA: _____

PORTI: _____

Kjo shtojce përmban 4 fletë

MOTOBARKA_____

PRONARI_____

NR. LICENSËS SË PESHKIMIT_____

NR. I RREGJISTRIT TË ANIJEVE TË PESHKIMIT_____

TË DHËNAT E MOTORIT

MARKA E FABRIKIMIT DHE LLOJI_____

FUQIA (HP) _____

VITI I PRODHIMIT _____

KONSUMI MESATAR I KARBURANTIT (LIT/ORË)_____

GJATËSIA E MJETIT TË PESHKIMIT_____

KAPITENERIA E PORTIT

VULA

FURNIZIMI ME KARBURANTE

DATA	Dokumenti shoqërues		Sasia e karburantit të furnizuar	Firma e kapitenit	Firma e punonjësit të doganës që ka bërë regjistrimin e furnizimit
	Numri	Data	Litra		

SHTOJCA 2

K E R K E S E

_____ më __.__. 20__

Drejtuar: Subjektit furnizues _____ me Magazinë doganore në _____

Me numër NIPT _____

Me adresë _____

Nga: Subjekti i peshkimit _____

Me numër NIPT _____

Përfaqësues i Anijes së peshkimit _____

Me numër Rregjistri në Rregjistrin e Mjeteve Lundruesë të Peshkimit

ALB _____

Mbështetur në VKM Nr. 1050 datë 21. 7. 2008 “Për furnizimin e anijeve të peshkimit me gazoil pa akcizë”, pikës 7 të Udhëzimit Nr. ____ datë ____ 2008, subjekti i peshkimit _____ kërkon të furnizohet me Gazoil pa akcizë për Anijen e Peshkimit _____ në sasinë prej _____ (_____ sasia në fjale _____) litra. Ky furnizim do të kryhet më datë __.__.20__, pranë Magazinës suaj doganore, në orën __.__.

Për sa më sipër Lutemi, njoftimin e Degës së doganave _____ për ndjekjen e procedurave të furnizimit të gazoilit për anijen e peshkimit.

Përfaqësuesi i autorizuar i subjektit të peshkimit

Firma